

Broj: 06-03-797-14/27/11
Mostar, 13.01.2012. godine

Na osnovu člana 14., člana 29. i člana 70. Zakona o električnoj energiji („Službene novine Federacije BiH“ broj 41/02, 24/05, 38/05 i 83/11), člana 3. tačke 22. i člana 37. Uredbe o korištenju obnovljivih izvora energije i kogeneracije („Službene novine Federacije BiH“ broj 36/10, 11/11 i 88/11), člana 12. stav (1) i člana 14. stav (1) Statuta Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 13/04), člana 31. stav (2), člana 37. stav (4) i člana 47. Poslovnika o radu Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 59/04), te člana 75. stav (1) i stav (3) i člana 91. stav (2) Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 37/05) i člana 17. Pravilnika za izdavanje dozvola-licenci („Službene novine Federacije BiH“ broj 29/05), postupajući po Zahtjevu za izmjenu dozvole za rad-licence broj 06-03-797/27/11 od 04.08.2011. godine podnosioca „VESNA-S“ d.o.o. Bugojno, u postupku izmjene i dopune Dozvole za rad-licence za obavljanje elektroprivredne djelatnosti proizvodnja električne energije broj 06-03-1204/24/08 od 08.04.2009. godine, izdate Rješenjem broj 06-03-1204-13/24/08 od 08.04.2009. godine, Regulatorna komisija za električnu energiju u Federaciji Bosne i Hercegovine – FERK je dana 13.01.2012. godine na I redovnoj sjednici donijela sljedeće

RJEŠENJE

1. U Dozvoli za rad-licenci za obavljanje elektroprivredne djelatnosti proizvodnja električne energije broj 06-03-1204/24/08 od 08.04.2009. godine, izdatoj Rješenjem broj 06-03-1204-13/24/08 od 08.04.2009. godine, imaocu dozvole „VESNA-S“ d.o.o. Bugojno, u uslovima dozvole u tački 3.1. iza riječi: „mHE ”Pršljanica 1” (na rijeci Pršljanici, općina Bugojno)” dodaju se riječi: „i mHE „Pršljanica 2 “ (na rijeci Pršljanica, općina Bugojno)“, a iza riječi: „čiji su tehničko-energetski parametri dati u Prilogu 1” dodaju se riječi: „i Prilogu 2“.
2. U Dozvoli za rad-licenci za obavljanje elektroprivredne djelatnosti proizvodnja električne energije broj 06-03-1204/24/08 od 08.04.2009. godine, ostali uslovi i period važenja dozvole ostaju nepromijenjeni.
3. Utvrđuje se „VESNA-S“ d.o.o. Bugojno status kvalifikovanog proizvođača i na novom proizvodnom objektu mHE „Pršljanica 2“.
4. Imalac dozvole je obavezan plaćati regulatornu naknadu tromjesečno, u periodu važenja dozvole i u iznosu koji utvrdi FERK posebnom odlukom.
5. Ovo rješenje je konačno i stupa na snagu danom donošenja, te se objavljuje na oglasnoj tabli i web stranici FERK-a, a dispozitiv ovog rješenja u „Službenim novinama Federacije BiH“.

Образложење

U postupku izmjene i dopune Dozvole za rad-licenca za obavljanje elektroprivredne djelatnosti proizvodnje električne energije broj 06-03-1204/24/08 od 08.04.2009. godine sa novim proizvodnim objektom mHE „Pršljanica 2“, FERK je dana 04.08.2011. godine zaprimio od strane podnosioca „VESNA-S“ d.o.o. Bugojno Zahtjev za izmjenu dozvole za rad-licence upisan pod brojem 06-03-797/27/11.

Prilikom pregleda kompletnosti podnesenog zahtjeva, u skladu sa članom 39. Pravilnika o javnim raspravama i rješavanju zahtjeva i žalbi FERK-a, FERK je utvrdio da podneseni zahtjev nije kompletan u smislu članova 9., 10. i 19. Pravilnika za izdavanje dozvola-licenci. Zbog navedenog, FERK je postupajući u skladu sa članom 40. Pravilnika o javnim raspravama i rješavanju zahtjeva i žalbi FERK-a, dostavio podnosiocu zahtjeva Obavještenje o nedostacima podnesenog Zahtjeva za izmjenu dozvole za rad-licence broj 06-03-797-01/27/11 od 02.09.2011. godine, te mu odredio rok radi otklanjanja u obavještenju naznačenih nedostataka i upozorio ga na posljedicu propuštanja.

Postupajući po obavještenju, podnosilac zahtjeva je dostavio dopis primljen u FERK dana 09.09.2011. godine pod brojem 06-03-797-02/27/11, sa obrazloženjem vezano za dostavljanje nedostajuće dokumentacije, te dopis primljen u FERK dana 20.10.2011. godine pod brojem 06-03-797-03/27/11 uz koji je dostavio dio nedostajuće dokumentacije. Takođe, FERK je dana 16.11.2011. godine pod brojem 06-03-797-04/27/11, dana 17.11.2011. godine pod brojem 06-03-797-05/27/11 i dana 23.11.2011. godine pod brojem 06-03-797-06/27/11 primio dopise uz koje je dostavio traženu dokumentacije, kao i obrazloženje vezano za istu.

Postupajući u skladu sa članom 11. Pravilnika za izdavanje dozvola-licenci, FERK je dana 01.12.2011. godine u „Dnevnom listu“ i „Oslobođenju“, kao i na svojoj web stranici objavio Obavještenje za javnost o podnesenom Zahtjevu za izmjenu dozvole za rad-licence podnosioca zahtjeva „VESNA-S“ d.o.o. Bugojno. Na osnovu Obavještenja za javnost, FERK do roka naznačenog u obavještenju odnosno do 09.12.2011. godine, nije primio pisane komentare zainteresovanih lica na podneseni zahtjev, kao ni zahtjev za sticanje statusa umješaća.

Uzimajući u obzir navedeno, kao i podnesene dokaze i činjenice uz zahtjev, FERK je u skladu sa članom 77. stav (2) Pravilnika o javnim raspravama i rješavanju zahtjeva i žalbi FERK-a, obavijestio podnosioca zahtjeva za izmjenu dozvole za rad-licence o svojoj namjeri provođenja postupka izdavanja dozvole bez održavanja formalne rasprave, Obavještenje broj 06-03-797-08/27/11 od 09.12.2011. godine, kojom je istom data mogućnost da ukoliko raspolaže novim činjenicama u vezi sa predmetom postupka, iste predstavi, odnosno uputi svoje komentare FERK-u do naznačenog roka. Postupajući po navedenom obavještenju, da se postupak izdavanja dozvole provede po skraćenom postupku, podnosilac zahtjeva nije iznio nove činjenice u vezi sa predmetom postupka, te nije uputio druge komentare FERK-u.

Na osnovu provedenog postupka, tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 16. stav (1) Pravilnika za izdavanje dozvola-licenci, a polazeći od člana 42. stav (3) istog pravilnika po kome se postupak izmjena i dopuna dozvole obavlja na isti način kao i postupak izdavanja dozvole, te na osnovu člana 79. stav (2) Zakona o električnoj energiji, Odlukom broj 06-03-797-09/27/11 od 14.12.2011. godine usvojio Nacrt dozvole za

rad-licence za obavljanje elektroprivredne djelatnosti proizvodnje električne energije, dok je Odlukom FERK-a broj 06-03-797-10/27/11 od 14.12.2011. godine ovaj nacrt upućen u proces javne rasprave, te je određeno mjesto i vrijeme održavanja opšte rasprave o predmetnom nacrtu dozvole za rad-licence, imenovan voditelj postupka, kao i da zainteresovana lica svoje usmene komentare na nacrt dozvole za rad-licence mogu dati na opštoj raspravi koja je održana 22.12.2011. godine u 11:00 sati, u prostorijama FERK-a, u Mostaru, a pisane komentare dostaviti na adresu FERK-a i na elektronsku adresu do 30.12.2011. godine do 12:00 sati.

Na opštoj raspravi o Nacrtu dozvole za rad-licence za obavljanje elektroprivredne djelatnosti proizvodnje električne energije nije bilo zainteresovane javnosti niti predstavnika podnosioca zahtjeva. Podnosilac zahtjeva je dopisom broj 06-03-797-11/27/11 od 22.12.2011. godine obavijestio FERK o razlozima nedolaska predstavnika podnosioca zahtjeva „VESNA-S“ d.o.o. Bugojno na opštu javnu raspravu i predložio izmjene teksta dozvole za rad-licence.

Do ostavljenog roka za dostavu pisanih komentara, odnosno do 30.12.2011. godine do 12:00 sati, u FERK nisu primljeni pisani komentari na Nacrt dozvole za rad-licence za obavljanje elektroprivredne djelatnosti proizvodnje električne energije.

U skladu sa članom 16. Pravilnika o javnim raspravama i rješavanju zahtjeva i žalbi FERK-a, a na osnovu održane opšte rasprave, voditelj postupka je pripremio pisani izvještaj uz sažetak komentara na raspravi i dao preporuku za donošenje odluke, te je iste uputio podnosiocu zahtjeva na komentare 04.01.2012. godine pod brojem 06-03-797-12/27/11.

Podnosilac zahtjeva je na osnovu navedenog FERK-u dostavio 09.01.2011. godine Dopis primljen u FERK pod brojem 06-03-797-13/27/11, u kojem je naveo da se slažu sa Izvještajem broj 06-03-797-12/27/11.

Izvještaj voditelja postupka sa komentarima podnosioca zahtjeva dostavljen je na razmatranje FERK-u dana 09.01.2012. godine pod internim brojem 06-08-27/12, a prije njegovog konačnog odlučivanja na redovnoj sjednici.

Na osnovu obrade Zahtjeva za izmjenu dozvole za rad-licence podnosioca „VESNA-S“ d.o.o. Bugojno i dokumentacije priložene uz zahtjev, utvrđeno je da podnosilac zahtjeva ispunjava i uslove za sticanje statusa kvalifikovanog proizvođača postavljene Zakonom o električnoj energiji i Uredbom o korištenju obnovljivih izvora energije i kogeneracije, a sve uzimajući u obzir da je korištenje obnovljivih izvora električne energije i kogeneracije od opšteg interesa za Federaciju Bosne i Hercegovine. Na osnovu navedenog, kao i analize postupka opšte rasprave, kao i komentara javnosti datih u postupku opšte rasprave, odnosno izvještaja voditelja postupka i komentara podnosioca zahtjeva na izvještaj voditelja postupka, izvršena je izmjena i dopuna Dozvole za rad-licence za obavljanje elektroprivredne djelatnosti proizvodnje električne energije broj 06-03-1204/24/08 od 08.04.2009. godine sa novim proizvodnim objektom mHE „Pršljanica 2“, ali su svi ostali uslovi i period važenja dozvole ostali nepromijenjeni i stvaraju obavezu „VESNA-S“ d.o.o. Bugojno da u rokovima propisanim u uslovima dozvole za rad-licence iste ispuni, u cilju zadovoljenja opštih i posebnih kriterija propisanih Zakonom o električnoj energiji, a bliže propisanih članom 21. Pravilnika za izdavanje dozvola-licenci FERK-a, kao i odredbi Uredbe o korištenju obnovljivih izvora energije i kogeneracije.

Na osnovu naprijed navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNICA FERK-a
Đulizara Hadžimustafić s.r.